

**Նախագահ Դիտեր Ֆ. Ուլսդորֆ**

Առաջին Նախագահության առաջին  
խորհրդակալ



# Փնտրենք Քրիստոսին Սուրբ Ծննդյան օրերին

**Բ**ոլոր նրանց, ովքեր ցանկանում են հասկանալ, թե ովքեր ենք մենք՝ որպես Հիսուս Քրիստոսի Վերջին Օրերի Սրբերի Եկեղեցու անդամներ, ես կցանկանայի առաջարկել այս երեք բառերով սահմանված ելակետը՝ մենք փնտրում ենք Քրիստոսին:

Մենք ձգտում ենք ճանաչել Նրան, մենք հետևում ենք Նրան, ձգտում ենք ավելի շատ նմանվել Նրան:

Տարվա ընթացքում ամեն օր մենք փնտրում ենք Նրան: Մակայն հատկապես տարվա այս շրջանում՝ Սուրբ Ծննդյան օրերին, երբ տոնում ենք մեր սիրելի Փրկիչի ծնունդը, մեր սրտերն ավելի ու ավելի են հակվում դեպի Նա:

Որպես Սուրբ Ծնունդը տոնելու նախապատրաստության մաս, եկեք խորհենք այն մասին, թե ինչպես էին նրանք, ովքեր ապրում էին երկու հազարամյակ առաջ, պատրաստվում ողջունել Փրկիչի գալուստը:

## Հովիվները

Մենք շատ բան չգիտենք հովիվների մասին, միայն այն, որ «այն տեղումը հովիվներ կային դաշտումը կացող, որ գիշերն իրանց հօտերը պահում էին»:<sup>1</sup> Հովիվները, թերևս, այն հասարակ մարդիկ էին, ինչպես գովասանքի արժանի շատերը, ովքեր անցկացնում են օրը՝ վաստակելով իրենց ապրուստը:

Նրանք կարող են ներկայացնել մարդկանց, ովքեր

մի ժամանակ, գուցե, ջերմեռանդորեն չէին փնտրում Քրիստոսին, սակայն նրանց սրտերը փոխվեցին, երբ երկինքները բացվեցին, և Քրիստոսի մասին հռչակվեց նրանց:

Սրանք այն մարդիկ են, ովքեր երկնային սուրհանդակների ձայնը լսելուց հետո անմիջապես գնացին Բեթլեհեմ՝ ցանկանալով տեսնել:<sup>2</sup>

## Մոզերը

Մոզերը գիտնականներ էին, ովքեր ուսումնասիրում էին Մեսիայի՝ Աստծո Որդու գալուստը: Իրենց ուսումնասիրությունների միջոցով նրանք գտան նշանները, որոնք մատնանշում էին Նրա ծննդյան մասին: Երբ գտան դրանք, նրանք թողեցին իրենց տները և ճամփորդեցին դեպի Երուսաղեմ, հարցնելով. «Ո՞րտեղ է Հրեաների ծնուած Թագաւորը»:<sup>3</sup>

Քրիստոսի վերաբերյալ նրանց գիտելիքը չմնաց գուտ որպես գիտություն: Նրա ծննդյան նշանները տեսնելուց անմիջապես հետո նրանք գործի անցան: Նրանք նպատակ դրեցին գտնել Քրիստոսին:

Մոզերը կարող են ներկայացնել նրանց, ովքեր փնտրում են Քրիստոսին սովորելու և գիտական ուսումնասիրությունների միջոցով: Ճշմարտության հանդեպ նվիրվածությունն, ի վերջո, առաջնորդում է նրանց գտնել Քրիստոսին և երկրպագել Նրան որպես Թագավորների Թագավոր, մարդկության Փրկիչ:<sup>4</sup>

## Միմոնը և Աննան

Միմոնը և Աննան կարող են ներկայացնել նրանց, ովքեր փնտրում են Քրիստոսին Հոգու միջոցով: Այս հրաշալի անձնավորությունները նվիրյալ հոգևորականներ էին և ծովի ու աղոթքի միջոցով, նվիրումով ու հնազանդությամբ անհամբեր սպասում էին՝ տեսնելու Աստծո Որդու գալուստի օրը:

Լինելով հավատարիմ, խոնարհ և հավատով լի, նրանք համբերությամբ սպասում էին, թե երբ է գալու Փրկիչը:

Ի վերջո, նրանք քաղեցին իրենց համբերության պտուղները, երբ Մարիամը և Հովսեփը նրանց ներկայացրին երեխային, ով մի օր Իր վրա էր վերցնելու մարդկության մեղքերը:<sup>5</sup>

## Հավատացյալները նեփիացիների և լամանացիների մեջ

Մորմոնի Գրքում կա մի հուզիչ պատմություն այն մասին, թե ինչպես են հավատացյալները Նոր Աշխարհում սպասում Փրկիչի ծննդյան նշաններին:

Դուք հիշում եք, որ նրանք, ովքեր հավատում էին Քրիստոսին, ենթարկվեցին ծաղրի ու հալածանքների: Այդ օրերին իրենց զարգացած մարդիկ համարողները մեղադրեցին հավատացյալներին սնահավատության մեջ: Ի դեպ, անհավատները նույնիսկ «մեծ աղմուկ» բարձրացրին երկրում իրենց ծաղր ու ծանակով (3 Նեփի 1.7): Նրանք ծաղրում էին նրանց, ովքեր հավատում էին, որ Փրկիչ էր ծնվելու:

Նրանց գայրույթն ու մոլեգնությունն այնքան սաստկացավ, որ որոշեցին մեկընդմիջտ լռեցնել նրանց, ովքեր հավատում էին Փրկիչին: Մորմոնի Գրքում արձանագրված է այդ պատմության հուզիչ ավարտը:<sup>6</sup>

Այդ ժամանակաշրջանում ապրող հավատացյալները կարող են ներկայացնել նրանց, ովքեր փնտրում են Քրիստոսին նույնիսկ այն ժամանակ, երբ ուրիշները ծիծաղում են, ծաղրում ու զրպարտում: Նրանք փնտրում են Քրիստոսին նույնիսկ այն ժամանակ, երբ ուրիշները փորձում են ծաղրել իրենց որպես անբարեկիրթ, անգետ կամ դյուրախաբ մարդկանց:

Սակայն ուրիշների կողմից արհամարհվելը չի ընկճում իսկական հավատացյալներին փնտրելու Քրիստոսին:

## Մենք փնտրում ենք Քրիստոսին

Ողջ տարվա ընթացքում և, թերևս, հատկապես Մուրբ Ծննդյան այս օրերին օգտակար կլինի մի անգամ ևս տալ հետևյալ հարցը. «Ինչպե՞ս եմ ես փնտրում Քրիստոսին»:

Իր կյանքի դժվարին մի պահի Դավիթ թագավորը գրել է. «Ով Աստուած, դու ես իմ Աստուածը. առաւօտանց քեզ եմ ման գալիս. հոգիս ծարաւ է քեզ համար. մարմինս քեզ է ցանկանում»:<sup>7</sup>

Թերևս, Աստծուն փնտրելու այս հատկանիշն էր պատճառներից մեկը, որ Դավիթը նկարագրվում է որպես Աստծո սրտի պես մարդ:<sup>8</sup>

Եկեք փնտրենք մեր սիրելի Փրկիչին՝ Խաղաղության Իշխանին, Իսրայելի Սուրբին, Սուրբ Ծննդյան այս օրերին և ողջ տարվա ընթացքում: Այս ցանկությունը մեծամասամբ կախված է ոչ միայն այն բանից, թե ովքեր ենք մենք՝ որպես Հիսուս Քրիստոսի Վերջին Օրերի Մրբերի Եկեղեցու անդամներ, այլ ավելի շուտ նրանից, թե ովքեր ենք մենք իրականում՝ որպես Քրիստոսի աշակերտներ:

## ՀՂՈՒՄՆԵՐ

1. Դուկաս 2.8
2. Տես Դուկաս 2.15:
3. Տես Մատթեոս 2.1-2:
4. Տես Մատթեոս 2.11:
5. Տես Դուկաս 2.22-38:
6. Տես 3 Նեփի 1:
7. Սաղմոս 63.1
8. Տես Գործք 13.22:

## ԱՅՍ ՈՒՂԵՐՉԻ ՈՒՍՄՈՒՆԸ

Ինչպե՞ս կարող ենք ավելի լավ փնտրել Քրիստոսին՝ համաձայն Նախագահ Ուիլյամսի խորհուրդների: Կարող եք խրախուսել նրանց, ում ուսուցանում եք, հարցնել իրենց. «Ինչպե՞ս եմ ես փնտրում Քրիստոսին»: Հրավիրեք նրանց, որ սկսեն կիսվել, թե ինչպես է նրանցից յուրաքանչյուրը փնտրում Քրիստոսին սուրբ գրությունների իրենց ամենօրյա ուսումնասիրության ընթացքում: Դուք կարող եք նաև *Mormon.org* կայքում դիտել Սուրբ Ծննդյան տեսահոլովակ նրանց հետ, ում ուսուցանում եք և հրավիրեք նրանց մասնակցել այս ամենամյա հնարավորությանը՝ փնտրել Քրիստոսին, հետևելով Նրա ուսմունքներին:

## ԵՐԵՒԱՆԵՐ

## Սպասել Հիսուսին

Շատերն են սպասել Հիսուսի ծնունդին: Այժմ մենք սպասում ենք Նրա երկրորդ Գալուստին: Մենք կարող ենք պատրաստ լինել՝ Հիսուսի մասին սովորելով և Նրան հետևելով: Ինչպե՞ս եք դուք հետևում Հիսուսին: Նկարեք աստղ և ներսում գրեք ձեր մտքերը:



Հավատք, ընտանիք,  
սփոփանք

# Հոժարակամ կրել միմյանց բեռները

*Աղոթքով ուսումնասիրենք այս կյոթքը և ոգեշնչմամբ ձգտենք ստանձնացնել այն, ինչով կհավելու ենք: Միտուիող Միության նպատակի ընթրնումն ինչպե՞ս է պատրաստում Աստծո ղոստորներին հավերժական կյանքի օրհնությունների համար:*

«Մեր շրջապատում կան կարիքի մեջ գտնվող մարդիկ, ովքեր մեր ուշադրության, քաջալերման, աջակցության, մեր սփոփման և բարյացակամության կարիքն ունեն», - ասել է Նախագահ Թոմաս Ս. Մոնսոնը: «Մենք Տիրոջ ձեռքերն ենք երկրի վրա՝ Նրա զավակներին ծառայելու և բարձրացնելու հանձնառությամբ: Նա հույսեր է կապում մեզանից յուրաքանչյուրի հետ»:<sup>1</sup>

Նախագահ Հենրի Բ. Այրինգը՝ Առաջին Նախագահության Առաջին Խորհրդականը, ասել է. «Մեծ փոփոխություն սկսվեց ձեր սրտում, երբ դուք եկաք Եկեղեցի: Դուք ուխտ կապեցիք և խոստում ստացաք, որը փոխեց ձեր ողջ բնույթը: . . .

. . . Դուք խոստացաք, որ կօգնեք Տիրոջը, որ թեթևացնի [ուրիշների] բեռները և մխիթարի նրանց: Սուրբ Հոգու պարզևր ստանալուց հետո Ձեզ տրվեց զորություն՝ թեթևացնել այդ բեռները»:<sup>2</sup>

«Մենք կկամենանք օգտագործել ավետարանի լույսը, որպեսզի ուրիշներին տեսնենք այնպես, ինչպես Փրկիչն է

տեսնում՝ կարեկցանքով, հույսով ու գթությանբ», - ասել է Սփոփող Միության Գերագույն Նախագահ Ջին Բ. Բինգհեմը: «Կգա օրը, երբ մենք կատարելապես կըմբռնենք, թե նրանք ինչ են զգացել ու մտածել, և երախտապարտ կլինենք, երբ ողորմածություն ցուցաբերեն մեր նկատմամբ, հենց այնպես, ինչպես մենք ենք այս կյանքի ընթացքում գթառատ մտքեր ու խոսքեր հղել ուրիշներին: . . .

Երբ մենք փորձում ենք ավելի շատ նմանվել մեր Փրկիչին՝ Հիսուս Քրիստոսին, ապա մեզ համար պարտականություն ու պատիվ է ի սրտե ընդունել *յուրաքանչյուր մարդու* մեջ տեղի ունեցող կատարելագործումը»:<sup>3</sup>

Երբ մենք կրում ենք մեկս մյուսի բեռները և պահում մեր ուխտերը, մենք ճանապարհ ենք բացում Հիսուս Քրիստոսի համար՝ բուժել ուրիշներին: Տասներկու Առաքյալների Քվորումից Երեց Ջեֆրի Ռ. Հոլլանդն ուսուցանել է. «Հաշվի առնելով Խաչելության անըմբռնելի արժեքն ու Քավությունը, ես խոստանում եմ ձեզ, որ Նա այժմ չի պատրաստվում երես դարձնել

մեզանից: Երբ Նա հոգով աղքատներին ասում է. «Եկեք ինձ մոտ», Նա նկատի ունի, որ գիտի ուղին և գիտի, թե ինչպես բարձրանալ: Նա գիտի դա, որովհետև անցել է այն: Նա գիտի ճանապարհը, քանի որ Նա է ճանապարհը»:<sup>4</sup>

## Լրացուցիչ սուրբ գրություններ

Մատթեոս 25.40, Գաղատացիս 6.2, Մոսիա 2.17, 18.8-9

### ՀՂՈՒՄՆԵՐ

1. Թոմաս Ս. Մոնսոն, «Շառայեք Տիրոջը սիրով», *Լիստոնա*, փետրվար 2014, 4:
2. Հենրի Բ. Այրինգ, «Մխիթարիչը», *Լիստոնա*, մայիս 2015, 18:
3. Ջին Բ. Բինգհեմ, «Ավետարանի լույսը իմ տուն կբերեմ», *Լիստոնա*, նոյ. 2016, 6, 8:
4. Ջեֆրի Ռ. Հոլլանդ, «Կուրված բաներ, որ պիտի նորոգվեն», *Լիստոնա*, մայիս 2006, 71:

### Խորհեք այս մասին

Օգնելով ուրիշներին տանել բեռները և պահելով մեր ուխտերը, ինչպե՞ս կարող ենք ճանապարհ բացել Հիսուս Քրիստոսի համար օգնելու նրանց, ովքեր ունեն դրա կարիքը: